

祁陽縣志

20270.119

38

51~16

同治庚午秋

同治庚午秋

板藏灑溪祠

序

祁邑為楚南奧區障湘之南永州
山水之勝莫逾於此元次山柳子
厚黃山谷諸公所為歌咏流連者
也余籍隸粵西稍長遨遊四方徧

祁陽縣志

序

觀湖湘諸勝景每一往來輒艤舟
於浯溪濱覽其山川之秀麗人物
之清奇低徊留之不能去及筮仕
楚南補桂東令己巳奉調署祁陽
篆履任後日與賢士大夫晉接



其政事文章有巍然傑出者不徒
物產充盈閭閻庶富已也適奉
憲檄催修縣志備通志採擇余為
稽覽舊志修於嘉慶壬申仁和萬
君半帆為主修甘明府慶增寶刪

潤焉體例謹嚴允稱完書迄今幾
六十年世殊事異急宜踵而修之
前任張君已為之倡因丁艱去余
承乏於茲爰與陳張兩學博叅互
考訂以觀厥成夫邑之有志猶聞

之有史非惟備掌故資考稽與他著述同也古今為治之道不外教養二者志中如山川賦役物產積貯之類皆養之屬也學校風俗人物節孝藝文皆教之屬也備載於

冊繁而不殺莅斯土者取而尋繹之可以知政令之所重與敷施之所宜而一切粉飾補苴之術在所弗屑焉然則志之為益甚鉅即以為治祁之譜可也余自下車以來

謬以循良自勛由今思之多有抱
歎難安者尚冀勉圖厥終稍副士
民之望庶此編不為紙上虛文耳
是役也總理者前署湖北安襄鄖
荆道邑紳唐君協和纂修者農部

周君厚生孝廉劉君希關明府匡
君邦彥費君澤沛鹽提舉銜蔣君
善蘇經始於同治八年仲秋告竣
於九年季秋其費資皆由捐募而
集足徵此邦之人可與有為異日

宏建樹震寰區必有遠邁於此舉
者余將拭目俟之

同治九年歲次庚午孟冬月知祁

陽縣事平樂陳玉祥撰



余假歸常甯之明年己巳適邑系言以
春月至事為覓名州縣志新編共證之於桂
陽州志博而精於清泉縣志則又博
其言而多也祁易居衡湖上游至山礪礪
藝積于水練統澄泓其德敦歷尚義至

士大夫交章著作代以借人聞邑系議修
余又歎先睹為快而特為難之洪廷之先
軍書晉經朔後城郭之廢試院次第
興修焉蓋日此役或未暇以為會平樂
陳公嘗祁潔已惠氏尤說素深事乃延

已紳劉君恬染匡君克庵等聞而莫不
訪君性迹之就湮本精心為傑構自與
國沿革迄風俗藝文難揆道原志二十四
日君君舊坊新日條不紊余以庚午秋季過
坊家子宜庵訪出庵訪實董主今裛然本

序

七

集矣循誦一周慨然曰人心有不齊已之故
法意仔肩而必不狃少窘於時勢天下尚
以難事哉刻是編也繁而不甚簡而不
漏塞隘澗徑紀至詳沈然亦坊繁之為焉
田賦物產於此頭庶幾於他備三矣

忠孝節義究至實使人喘喘感泣淚零
天良或至鄉賢名宦落之晨星又使士地
愧勵而凡官取士者切思所以後世不忘
多言未竟恬染法尹斂容歎曰愧之長
求詣是而未之逮也猶一三指至之疾以示

祁陽縣志

八

余曰左氏隱存
卷評之龍門史來丁家
之區學識之
他若沈休文輯修三載
袁山松審慎五煩求其
短略亦以誦而長
蓋易而執譯而謹
質而古其是編之
原也夫

常痛嘆梁唐之金一教

原序

康熙八年

王頤

序亦何爲而作哉古今騷人墨士弁首詩文其濫觴者勿論已若志之爲書今天下京省郡百四十三州二百十九縣一千一百餘域必有志也志必有序也且歲久增修序復濫加益也因思海內冠志之文凡自序羣序殆不啻充棟而其間削去者尤多卽後人纂輯或不忍棄偶留塵作數篇大抵故新諸序多僅與本志共浮沈而已邇曩存邑乘其撰也何時其修也何代後楮版咸火於兵集固化燄燼矣中更不知幾序跋焉今俱杳然莫問可勝歎歎然而

邇陽縣志

卷之五

原序

九

志終不得廢也今戊申秋受事後嗟文獻久失遍求之野時搜殘篇斷簡復訪諸故老遺傳構將一載爰鐫木爲書邇於是乎始復有志若夫序又何爲而作哉吾嘗謂序志幾與序試錄者等舊制天下十五國三載咸闢闡取士各錄諸試文進之

朝廷而每卷前後主司必載序者兩計數百年來蓋是篇亦無算矣於今傳不朽者幾何其視諸郡邑志序不益觴之濫耶己酉季夏校訂成因止記其重編始末暨歲年月日而並附余慨然今昔於此非敢云序也

原序

康熙十九年

王 壽

維康熙十有一載海內晏安時雍歆觀

皇帝萬幾之暇宣相國衛公周祚於

朝爰諮諏遠畧相國以天下圖籍文獻爲對蓋以

本朝極車書一統萬國一家燕韓秦晉齊楚吳越之區趾相
錯也山川疆井形相勝也歲時酬酢之儀耕鑿絃誦之事
俗相尙也庸賦之所入歲相考也胥祥之孚應徵相告也
九州殊域九土殊俗人以地殊俗以人殊攬天下之形勝
察天下之物情思有以移易之頑者廉懦者立有國者之

祁陽縣志

卷之首

原序

事也國有史郡邑有志博采廣蒐助成會典於是乎在衛
相國請於

朝

詔曰可方行各省撫軍徵諸方伯方伯徵諸郡郡下於邑搜輯
成志將以上貢

內廷因以是知天下郡邑歷代之沿更山川險阻之形勢租
庸物產之委積人物藝文之裔皇於是乎在蓋鉅典也未
幾癸丑冬滇南寇亂明年甲寅春陷湖南諸郡邑卽澗也
臣工勤於武備鉛槧勿遑猶以事平爲請吁嗟湖南諸

版籍悉遭兵燹有不可問者矣恭遇

王師神武恢復舊疆己未之秋予蒞茲土城社邱墟魚潛鳥散方以招集流亡辦理軍供之不暇而未遑文獻也乃奉撫憲接准部咨轉行各憲臺疊檄下縣採訪野史暨諸家文集以及楚疆郡邑通志捧讀之餘惴惴滋懼第祁邑遭罹寇亂之後諸書寢廢盡銷烽火卽志書一籍亦在剗剗零星頗多遺失文獻殘闕此守土之責也於是檢集棗梨復加攷訂正其訛補其闕五閱月而書告成將以齎呈各憲臺上獻

祁陽縣志

卷之百

原序

十一

內府焉第思志雖維新仍沿其舊前人既有其序又安俟予序爲哉但前此之志不過一邑之足徵今日之書上呈中秘府之備考不有數言以弁其首非所以敬其事也不揣鄙俚強盟手而直書之以記其補集成書之始末云爾

原序

雍正十三年

王式淳

周禮外史掌書外合掌四方之志小史掌邦國之志知凡區域風俗物產貢賦咸載簡編上以成

天家一統之紀下以備郡省封守之籍屬在民牧自宜採拾遺牒補集繼起庶幾具通邑全帙爲一代掌故也永郡湖湘

重地祁邑尤號衝繁遠鄰百越五嶺近接衡嶽瀟江自今
斯土以來職守懍懍惟謹

王事勤勞憲令遵奉蹇蹇匪躬思加訂而未逮頃以人文日益
懋政務日漸理當續登梨棗傳諸久遠爰與師儒暨邑人
士謀補纂祁爲巖洞白礫叢集之壤紛紅駭綠衝濤旋瀨
山經語近荒恠司馬氏畧勿言斯亦無須孱入第有關世
教者不容缺惟是曩志所載經前哲搜求仍加重增茲實
選錄俾閱者展卷助如閱輿地穆然見星野之昭回
峙淵澄閣建置恍然見城郭廩倉廟社壇壝之巍煥而聳

祁陽縣志

卷之首

原序

十三

觀閭職官選舉欣然見天工人代彈冠奮起芘芘薪樞壽
考作人之風闕學校祀典雍然見東膠虞庠金鏞石鼓春
秋蘋藻各敦秩叙之雅化闕賦役惕然想任土貢底慎則
壤之成規闕人物儼然睹宦蹟名賢清風高節砥行礪俗
之遠模闕藝文石鈔靄然思出風人雅珠玉揮毫望古春
陵慨念平原之高致官斯地奉斯職成斯編計自庚申以
來垂五十餘載一切修者裁者因者革者增出繼興者鵠
起聯翩者原原本本蔚蔚森森悉以列之圖籍士若民常
知無美不収有善必登生逢

盛世咏歌太平光天化日樂

聖壽萬年衢巷含鼓窮簷沾濡由此言之志亦不謂無補茲集捐其躋駮輯其缺畧助成信牒彷彿乎外史小史之遺聊綴引言以具掌故云爾

原序

乾隆三十年

李蒔

資治者史也資吏治者邑志也史衷於冊府而邑志實其權輿則治邑者掌藏宜重也蒔一介謏陋遭際盛明溯自計偕入都忝席官學久依

內廷側聞堯階舜陛颺言之盛用稍稍長益其見聞叨蒙

祁陽縣志

卷之首

原序

三

聖恩竊符善地深懼吏治之未諳夙夜兢兢

以治補者而

未得其要領也履任之日詢邑志則典缺殆將百年亦有舊編又大都成於粹者重之日久承譌漏亦滋多時有以纂輯爲言者顧深慙疎淺不文曷敢輕議抑簿檄旁午未遑也既而訪求名勝登眺浯溪喟然曰名賢過化地也元顏清惠之澤深入人心非官斯者典型乎矧其高風亮節尤足廉頑立懦大有功於風化者耶時襄徇溪上尋元公遺蹟若亭若臺若堂若宅蓋蕪廢久矣使其地而僅供遊覽廢而不修可也將於此而厯仰止也願任前賢之蹟

湮乎欣逢

聖治重熙人民樂業三吾舊觀次第脩舉顧志乘則仍缺如也
集邑紳士而謀之謀僉同適延响嘯曠太史主講席遂并
付以編輯事復聘伍明府慕亭陳明府眉湖搜訪釐訂蒔
簿書之暇互相商確往復質疑至再至三幸各虛衷集益
悉心討究疑者從闕濫者從芟蓋十閱月而書成是書也
敢曰吏治具是乎抑所以治邾者或可於是取資也昔真
西山作衍義諄諄於田里戚休之實蒔嘗履陌循阡諮諏
所及有切於民隱者謹識之畧采入是書中邾境之戚休
焉者已

邾陽縣志

卷之首

原序

十四

原序

嘉慶十七年

萬在衡

縣曷爲乎有志志厥土地廣狹也戶口多寡也田賦盈縮
也山川形勢也風俗美惡也物產豐歉也人才隆替也吏
治興衰也凡此皆志之大要亦卽古列國陳詩納賈之意
也士大夫窮居汲古雖有成竹在胸顧紙上陳言未必卽
合出門之轍一旦膺民社凡所爲宜土俗合人情者惟志
爲徵上臺之初蒞也必檄屬吏取圖志而屬吏之初謁也

必屬屬然奉以進蓋上臺所欲詢事事而詢之不勝其煩屬吏所欲陳事事而陳之尙虞其畧有志而展卷遂穆然是志固臨下事上之資而爲政敷治之鑑也亡其鑑何以爲措施之本哉祁志自乾隆乙酉前令李君蒔重纂蓋五十年於茲矣嘉慶戊辰郡伯錫遐齡先生創修府志徵邑乘以集厥成習丁兩前任議修而未就卒無以應余甫受事詢知其久而缺如也用滋懼焉天道三十年一變人事亦與爲遞嬗不以及時爲亟務是因循之誤也其何以應上官之檄而操爲治之鑑爰謀之紳士聘吾友甘大令平

川主其事平川虛公無我凡山川井里學校農田一切興革損益之宜悉本舊志而訂增之盡祛時人勦襲雷同之說要歸諸典章明備之盛而尤慎善善從長之濫務使頑廉懦立觀法無遺此亦余舉修之意商確有同志也志旣成矣向之缺如今且燦然然余用是益滋懼焉向之缺如無所考政卽偶疎人或寬其責而不求其備今則燦然無所遺政若偶疎人雖寬其責而難諉其任何以無曠土何以有滋丁何以省賦役何以扼要隘風俗何以厚物產何以繁人才吏治之何以振作育而無忝靖恭也上之所欲